

Romanā Magisterij.

Stantibus &c.

Dub: *An sit locus nouo examini, & quatenus affirmatiuè, an intrā, vel extra Religionem, & cui committendum in casu &c.*

Eñe, & Rñe Dñe. A

denixas preces Reuerendissimi P. Generalis Ordinis Eremitani Diui Augustini, indulxit Sanctissimus D. N. consuetum Breue, tributa facultate, iuxta antiquam, & laudabilem Ordinis consuetudinem in tota Italia ad Magisterij gradum promouendi quatráginta Professores, qui probitatis, & Doctrina laude præfulgerent, & quinquennio Regentis munus obierint, vel in principalioribus eiusdem Ecclesie Ciuitatibus verbum Dei iuxta famam depredicauerint, vt melius, & tenore ex aduerso dando.

Cum autem inter emeritos, & Veteranos d. Ordinis Professores adesset P. Gregorius Faber à Cesena, vtpotè quia ad Regentis munus præuio consueto examine euectus vsq; de anno 1698. Summario nu. 1., ceterisq; opportunis requisitis designatis per Constitutiones Religionis indutus, actuq; Magister Regens Studiorum Sac. Theologiae in Conuentu Ciuitatis Andriae Prouinciæ Apuleæ, meruit ipse Summo Iure inter dd. quatráginta Viros Magisterij laurea decorandos, connumerari; At Romam accersitus die 29. Iunii iam præteriti, & rigoroso expositus examini die prima Iulij subsequenti, coram sex Examinatoribus, ipsoq; P. Generali Præsidente, fuit præter omnium expectationem per secreta suffragia reprobatus, duobus ad eius fauorem suffragantibus, denegata, quod magis est concessione noui examinis.

Auersus huiusmodi irrationabile iudicium examinatorum, simulq; denegationem noui examinis, interposita appellatione ad hanc Sac. Congregationem per viam supplicis libelli, die 6. Iulij fuit de more rescriptum = *Audiatur P. Generalis* = qui cum dederit relationem nostris precibus aduersantem, nece ssarium apprimè duximus, ad defensam proprii honoris, non minus quam ipsa vita conseruandi iuxta monitum Iuris Consultus in l. 11. ff. de offic. Magistr. Alex. in leg. si victum ff. de re iudicat. expetere assignationem Ponentis cumq; destinatus fuerit Eminenti ssimus D. meus Cardinalis Gabriellius, contingit, iuxta opportunitatem disputare præinsertum, dubium desuper concordatum, affirmatiuè in omnibus resoluendū, prout humiliter depræcatur.

Allegasse sufficeret ad intentum inalterabilem stylum huius Sac. Congregationis indulgendi in fortioribus terminis nouum examen, similibus Religiosis in casu, quo in concursu ad gradus non dissi-

miles Religionis fuere reiecti, pro cuius exuberanti probatione, omiffis alijs antiquioribus exemplis duo supplicamus aduertenda, vnum in personam R. P. Hyacinthi Tonti à Fulgineo noſtræ Religionis Profeſſi, qui cum anno 1698. in examine ad mûnus Regentis fuiſſet reprobatuſ ab Examinato ribus Ordinis, habito recurſu ad Sac. Congregationem etiam de voto Reuerendiſſimi Aduerſarij, qui tunc temporis munere Procuratoris Generalis laudabiliter fungebatur, obtinuit extrâ Religionem examinari, & ſubindè approbatus ad mûnus Regentis promoueri, quod actu ſubſtinet in Ciuitate Piſarum, prout eſt notorium, & pro notorio allegatur.

Alterum verò non multum diſſimile obſeruata in Religione Ordinis Seruorum B. Mariæ Conuentus Diui Marcelli de Vrbe; Cum enim quinque Collegiales Baccalaurei, fuiſſent itidem in examine promotionis ad Regentiam per Generalem ſuoſq; examinatores irrationabiliter reiecti, per viam ſimilis recurſus ad hanc Sacram Congregationem interpoſiti, meruerunt pari iuſtitia, & æquitate die 26. Iunij 1682. ad nouum examen per Examinatores extrâ Religionem Seruorû admitti, vt notatum habetur in Regeſtris Secretariæ Summ. num. 2.

Attamen à dicto ſtylo præſcindent, & Iuris noſtri tramites percurrentes, habemus regulam ſatis tritam, quod ſicuti licet à mala relatione Examinatorum appellare, quando agitur de aſſecutione Beneficij, vel promotione ad gradum honoris *cap. ſi forte. 11. de elect. in 6. Lezan. in Mar. Magn. minor. num. 19. Barboſ. de poteſt. Episc. allegat. 60. num. 91., Rot. coram ſa. mem. Alex. VIII. decif. 209. num. 1., & in rec. decif. 148. num. 8. part. 6.* Ità pariter ex neceſſario conſequenti licitum eſſe debet docere de grauamine illato, quod melius, quàm per nouum examen fieri non poteſt, vtpote germanuſ modus probandi ſcientiam Reprobati, & grauamen Examinatorum *Barboſ. de poteſt. Episc. part. 3. allegat. 60. num. 91., ac clauſ. 151. num. 8. Rota coram ſa. mem. Gregor. XV. decif. 527. num. 5., & decif. 538. num. 4., & 5., & coram Buratt. decif. 942. num. 3., & cor. Merlin. decif. 159. num. 10.* Certiùs verò quando illius ſcientiæ remanet aliundè comprobata, in hiſ enim terminis clara remanet irrationabilitas Iudicij Examinatorum, vt in puncto eiùs, qui fuerat per Episcopum ad ſolos Minores Ordines approbatus firmat. *Rot. decif. 488. num. 2. part. 3. recent., & decif. 246. num. 5. coram ſa. mem. Alex. VIII.*

Idoneitas igitur P. Fabri ſaltem præſumptiuè, patet vſq; ad palpabilem euidentiam, nedum quia ſpatio quatuor annorum operam nauauerit ſtudio Philoſophiæ, & aliorum quatuordecim Sac. Theologiæ; Verum ex quo per plures vices fuit expoſituſ examini Lectoratuſ, Baccalaureatuſ, & omnium maximo, & rigorofiſſimo Regentis dicto Summario num. 1., ſemperque canonicè approbatus, quibus omnibus prærogatiuiſ veri Magiſtri, ſi ſuperaddatur, do-
cuiſſe

cuisse Theologiam in Cathedris Sueffanen., & Andrien. per integrum quinquennium, & demùm vti Magistrum Regentem præfuisse septem Conclusionibus Theologicis publico expositis certamini *Summario num. 3.*, nullus cordatus homo controuertere poterit summam ipsius capacitatem, tametsi superabundaret ad intentum sola prerogatiua Regentis, cuius obiectum, cum præcisè versetur in docendo, imprimis per necesse qualitatem, & characterem veri Magistri argumento *text. in leg. quibus præcipua 57. ff. de verbor. signific. Falin. in cap. 1. de Magistr. num. 4. lib. 5.*, & Ius tribuit appellandi à mala relatione examinerum, licet veriùs etiam sine fumo præcedentis habilitatis detur prouocatio, vt relatis resolutionibus Sacræ Congregationis Concilij firmat *Eminentissimus de Luc. de Paroch. discurs. 6. num. 5.*

Vltrà quam quod cum hodie non agatur de promouendo Patre Fabro reprobato ad gradum Magisterij (in quibus terminis esset funditus recognoscenda idoneitas,) sed solum præsupposita illius capacitae ex qualitate Regentis, occurrat questio, an veniat nouo exponendus examini, hic dicitur merus Iustitiæ actus, nullaque per consequens irrogatur iniuria P. Generali eiusq; Examineribus, quorum probitatem licet veneremur, adhuc tamen non est impossibile, quod potuerint decipi.

Nec est cur dicatur P. Generalem potiri absoluta facultate admittendi ad examen Religiosos sibi beneuolos, quoniam si hoc esset verum allegaret ipse Dominium iure dispotico, & superfluum euaderet studium tot annorum, & Cathedras ascendisse, quippe quia Discipulus præiret Magistro, & milites Veterani in Theologica facultate vincerentur à Tyronibus, quod esset monstruosum in Iure, cuius perpetua voluntas ea fuit; vt honores per dignitates, & merita distribuantur *leg. & qui originem S. Præses ibi = munera; & honores in Ciuitatibus aequaliter secundum dignitates, & ætates, aut gradus numerum, honorumue, qui antiquitus statuti sunt iniungi ff. de munera, & honor. =* hicq; est sensus Breuis Sanctissimi D. N., dum enim dat legem illos promouendi, *qui quinquennio Regentis manus obierint*, necessario subsequitur non esse in libertate P. Generalis repositum, vnum potius recentiorum Regentem, quàm asterium antiquiorem Magisterij laurea decorandi, vt patet ad sensus.

Præterea grauiamen illatum occasione examinis crescit in vniuersum ponderando, prout supplicamus. Primo quod P. Faber, veniens Romam è Prouincia Apuliæ post iter 400. milliariorum, nulla elargita quiete, die subsequenti fuit ad examen vocatus, & tamen omnis æquitas dictabat, quod debuisset expectari per aliquod tempus, prout spatio decem circiter dierum fuere expectari alij quam plures Regentes, è vicinioribus locis appulentes. Secunda verò ex quo P. Generalis voluit tradere suffragium, & tamen cum ipse non gesserit vices Examineris, sed solummodò tamquam Iudex

Merc. 26. Iunij 1697.

Ad Præposituram &c.

Michael nouum subire examen non hæsitans coram alijs tamen Examinatoribus ab hoc Sac. Auditorio deputandis, assumpsit hodie coram me disputationem Dubij alias, & sub die 7. Ianuarij præteriti demandati *An sit locus admissionis ad nouum examen*, & coram alijs Examinatoribus, quam deputatis ad formam Sac. Concilij Tridentini, & esse locum huiusmodi admissioni coram Reuerendissimo Domino meo Decano, & me, tamquam Iuri Congruum respondendum esse PP. Censuerunt.

Moti ex eo quod cum Michael at relatione Domini Cardinalis Vicarij Urbis appellasset multipliciter sentiens se grauatum, denegari non potuit nouum examen: Nam iste est optimus modus probandi scientiam Examinati alias reiecti, & grauamen ab Examinatoribus illatum vt inquit *Rot. dec. 8. de probat. decis. 18. num. 4. de Concess. Præbend. in nouis, coram Gregor. dec. 5 27. num. 2. ibique Adden. n. 4. coram Coccin. dec. 682. num. 3. & coram Merlin. dec. 159. num. 10.* Quin dubitatum fuerit Michaeli licitam fuisse Appellationem à relatione præfatorum Examinatorum, cum eadem admittatur de constanti mente Sac. Congregationis Concilij cui famulari studet Tribunal nostrum, & signanter in *vna Pistorien. Concurfus 12. Augusti 1602. coram san. mem. Clemen. VIII.* in qua inter alios Crdinales Interpretes Interfuere Blanchettus, Mantica, & Platus, olim nostri Ordinis Patres conscripti, vt testatur, & discussio formiter articulo in hoc sensu, & præcipue à *num. 2. aliasq; resolutiones referunt Fagnan. in cap. Cum sit ars à num. 50. de aetat. & qualitat. Nouar. in Summar. Bullar. par. 2. tit. de concurs. ad Paroch. num. 26. in fin. Barbos. in Summ. Apostolic. Decis. in Verbo Appellatio num. 9.* Idque facilius animaduertentes DD., quod Michael ab eius Ordinario præcedenter approbationem reportauerat ad quæcumq; Beneficia, quamuis Curata, & in specie ad Præposituram controuersam vt dum semel habitas huiusmodi fuerat acquisita, cum illa inhæreat animo, & menti præsumendum non est quod tam de facili obrebebrari potuerit in nouo examine, cum actus scientifici sint ad Instar formæ, quæ imprimetur stabilis in Intellectu, ita vt non debeatur nisi

nisi illius corrumpantur iuxta sensum *Rote in recent. decis.*
175. num. 9. cum seqq. par. 18. cum ibi allegatis sed cense-
ri potius debeat reprobationem sequutam vel ex nimio in
hypothesi rigore Examinatorum ut patuit ex eorum quæ-
sitis, & responsionibus *Summario Michaelis num. 4.* vel ex
quo iste fuerit timore concussus, aut rubore confusus quod
& differissimis, & Veteratis Oratoribus aliquando conti-
gisse aduertit *Rot. coram Merlin. dicta decis. 159. num. 12.*
& ante ipsam *Gloss. in C. omnes in l. fortuita C. de præ-*
script. 130. vel 40. annorum Archidiacon. in Can. de quibus-
dam num. 5. in fin. decis. 37. Gonzal. ad reg. 8. gloss. 4.
num. 119. & seqq. Garz. de Benef. par. 9. cap. 2. num. 251.
Firmato ex his admittendum esse Michaellem ad nouum exa-
men, cum nec æquum nec iustum fuerit istud demandare
eisdem Examinatoribus Domini Cardinalis Vicarij, à qui-
bus Michael Appellauerat, nam durum nimis est ut quis
cogatur eorum subire Iudicium, quod sibi contrarium in
priori examine expertum fuit ut ait *Vener. in Exam. Episc.*
lib. 4. cap. 45. num. 40. & Garz. de Benef. par. 9. cap. 2.
num. 245. in fin. Domini arbitrati sunt hoc nouum examen
peragendum esse coram Reuerendissimo Decano, & Me-
prout practicatum fuit in casu relatæ *Decisionis coram*
Merlin. 159. sicuti legitur in eius exordio.
Et ita resolutum vtraque &c.

**SACRA CONGREGATIONE
Episcoporum, & Regu-
larium**

Emo, & Rmo Dño Card.

**GABRIELLIO
Romana Magisterij.**

P R O

R. P. Regente Gregorio Fabri.

C O N T R A

**Reuerendiss. Patrem Generalem Ord.
Eremitani S. Augustini.**

Facti cum Summario.

**Romæ, Typis Reu. Cam. Apost. 1703.
Superiorum permissu.**